

A Coruña, 19 de setembro de 2022.- O xefe do servizo territorial, Néstor Rodríguez Arias.

R. 2682

### *Anuncio*

#### **INFORMACIÓN PÚBLICA**

M. Rego Construcciones, SL solicita de Augas de Galicia por atoparse nas marxes do río Cantarrana, a legalización de obras, na parcela de referencia catastral 2661936PJ1326S0002FM, en zona de policía. O presente anuncio ten por obxecto abrir a regulamentaria información pública que prescribe o art. 52 do Regulamento do dominio público hidráulico. Expediente: DH.W27.73361

As obras solicitadas consisten na aparcadoiro na superficie.

O que se fai público para xeral coñecemento, por un prazo de **vinte (20) días** a partir do seguinte á data de publicación no Boletín Oficial da Provincia, co fin de que os que se sintan prexudicados poidan presentar as súas reclamacións, durante o prazo sinalado, no Concello de Viveiro ou nas oficinas deste servizo, situadas na R/ Vicente Ferrer 2, 9º andar, onde estará exposto o expediente de que se trata, para que poida ser examinado por quen o deseñe.

A Coruña, 19 de setembro do 2022.- a/o xefa/e do Servizo Territorial, Néstor Rodríguez Arias.

R. 2683

## **EXCMA DEPUTACIÓN PROVINCIAL DE LUGO**

### **ÁREA DE MEDIO AMBIENTE**

#### *Anuncio*

#### **PROCEDIMENTO DE AUTORIZACIÓN DE USO DOS HORTOS URBANOS DO PARQUE DO RÍO RATO (4ª FASE) MEDIANTE CONCORRENCEA PÚBLICA**

A Xunta de Goberno da Deputación Provincial de Lugo, en sesión ordinaria de data 16 de setembro de 2022, acordou a aprobación do **Procedimento para a concesión de autorizacóns de uso dos Hortos Urbanos do Parque do río Rato (4ª fase) mediante concorrenza pública**, que di literalmente:

**PRIMEIRO.** Realizar a convocatoria pública de participación para a solicitude de autorización de uso dos denominados Hortos do Río Rato (4ª fase) mediante concorrenza pública, tendo en conta o Regulamento das Hortas urbanas ecolóxicas da Excma. Deputación Provincial de Lugo publicado BOP nº 156 do 09.07.2020.

**SEGUNDO.** Aprobar as seguintes cláusulas polas que se rexerá o presente procedemento:

#### **1. Obxecto**

Os Hortos Urbanos do Parque do río Rato están situados no concello de Lugo nas parcelas catastrais:

27900A531000340000WE / 27900A531000330000WJ / 27900A531000350000WS

Serán obxecto deste procedemento os Hortos Urbanos do Parque do río Rato que se atopen vacantes, sendo na actualidade un total de 9, ou que queden libres debido a renuncias ou a procedementos sancionadores.

Os Hortos son individuais, de 30 metros cadrados e cunhas dimensíons de 6x5 metros, delimitados mediante rasillóns cerámicos.

#### **2. Réxime Xurídico**

Rexerán este procedemento de autorización as presentes Bases, o recollido no *Regulamento das Hortas Urbanas Ecolóxicas da Excma. Deputación de Lugo* (BOP nº 156 de 9 de xullo de 2020) e a *Lei 33/2003, de 3 de novembro, do Patrimonio das Administracións Públicas*.

En todo o non recollido na anterior normativa, serán de aplicación supletoria as normas contidas no *Real Decreto 1372/1986 , de 13 de xuño, que aproba o Regulamento de Bens das Entidades Locais, a Lei 39/2015, de 1 de outubro, do Procedemento Administrativo Común das Administracións Públicas (LPACAP) e a Lei 9/2017, de 8 de novembro, de Contratos do Sector Público e as súas disposicións de desenvolvemento*.

#### **3. Destinatarios**

Para poder acceder á autorización para o uso dos Hortos Urbanos, as persoas ou entidades solicitantes deberán cumplir os seguintes requisitos:

a) Ser persoa física e maior de idade.

b) Ser representante acreditado de asociacións que estean inscritas regulamentariamente no rexistro de Asociacións.

c) Ser veciño de Lugo ou dalgún outro Concello lindeiro figurando como inscrito no padrón municipal correspondente.

d) Estar exento de obrigas coas administracións públicas de calquera tipo.

Así mesmo segundo o apartado 18 do Regulamento, non poderán acudir ao procedemento de outorgamento de autorización de uso de Hortos, as persoas que se atopen nos seguintes casos:

a) Aqueles que convivan con algunha persoa á cal se lle asignou un Horto, entendendo que conviven todas aquelas persoas empadroadas nun mesmo domicilio.

b) Tras verse revocada a autorización de uso da Horto a consecuencia da resolución dun expediente sancionador.

c) Posuír terreos no concello de Lugo con potencialidade de ser cultivados, isto no caso de novas adxudicacións.

#### **4. Prazo da autorización**

A autorización outorgarase por un período de dous anos, sen prexuízo de posibles prórrogas. Esta non será transmisible en ningún caso.

#### **5. Gastos esixibles ao adxudicatario.**

A autorización de uso outorgarase con carácter gratuito e non se esixe a constitución de ningún tipo de garantía.

#### **6. Presentación de solicitudes**

##### **6.1-Prazo**

O prazo de presentación de solicitudes será de **10 días hábiles**, a contar dende o seguinte a publicación do anuncio no BOP.

##### **6.2-Forma de presentación**

Os interesados presentarán no Rexistro da Deputación de Lugo, na súa Sede electrónica (<https://sede.deputacionlugo.org/>) ou calquera outro medio dos establecidos no artigo 16.4 da LPACAP:

1) Copia do DNI ou documento que legalmente o substítúa.

2) Solicitud (Anexo I) debidamente cuberta e asinada.

3) Declaración responsable (Anexo II) asinada.

Quen compareza ou asine proposicións en nome doutra persoa ou entidade deberá acreditar a representación mediante documento orixinal, copia auténtica, lexitimada ou fotocopia compulsada da escritura do poder do representado, estar debidamente inscrita no rexistro mercantil (se este requisito fose esixible), certificado da súa representación ou calquera outro documento válido en Dereito que acredite a representación.

4) Certificado de empadroamento do solicitante (no caso de non autorizar a súa consulta no Anexo II).

5) Certificado de estar ó corrente e coas obrigas tributarias expedidas pola Axencia Estatal da Administración Tributaria, de non ter débedas pendentes coa Comunidade Autónoma Galega e coa Deputación Provincial de Lugo e, de ser o caso, de estar ao corrente de pagamento coas obrigas da Seguridade Social (no caso de non autorizar a súa consulta no Anexo II).

6) A acreditación das circunstancias sociais e persoais que serán tidos en conta para a valoración no caso de que o número de solicitudes sexa superior ao de Hortos disponíveis acreditaranse mediante a presentación de:

a) Desemprego: Vida laboral actualizada e Certificado da Oficina do Servizo Público de Emprego que acredite a condición de desempregado/a e o período de inscrición.

b) Renda per cápita (IPREM): Copia da Declaración da renda do ano 2021 de todos os membros da unidade familiar.

c) Familia numerosa: Copia do libro de familia e a documentación complementaria necesaria en caso de supostos especiais.

d) Xubilado/a: Certificado do Instituto Nacional da Seguridade Social que acredite a condición de xubilado.

e) Asociacións: Acreditación de ser representante da asociación e estatutos da asociación ou Acreditación de representante de Centro Educativo ou colectivo de nais e pais xunto coa Inscrición no Rexistro de Asociacións, de ser o caso.

## 7. Mesa de seguimento

O órgano competente para a concesión das autorizacións estará asistido pola Mesa de seguimento (Mesa), un órgano de asistencia encargado de cualificar e comprobar a documentación achegada polos solicitantes, requirir a subsanación de deficiencias e competente para a valoración das solicitudes e a demás documentación achegada polos interesados, elevando posteriormente a correspondente proposta de outorgamento.

A Mesa estará composta por tres funcionarios da Área de Medio Ambiente, os cales serán nomeados mediante Decreto da Presidencia.

## 8. Procedemento

Unha vez finalizado o prazo de presentación de solicitudes, a Mesa reunirase para examinar a documentación presentada polos interesados, determinando se existe algúnsa causa de exclusión por incumprimento dos requisitos da convocatoria.

No caso de que o número de solicitudes supere ó de Hortos vacantes (9), requirirá aos solicitantes a presentación da documentación acreditativa das circunstancias que serán tidas en conta na valoración das solicitudes, de acordo co punto 6.2, apartado 6 destas bases, no Rexistro Xeral da Deputación de Lugo, no prazo de 10 días hábiles, dende a recepción da correspondente notificación.

O prazo máximo para resolver será de 6 meses dende a data en que a solicitude tivese entrada no rexistro da Deputación de Lugo. Transcorrido este prazo sen terse notificado resolución expresa, entenderase desestimada por silencio administrativo.

### 8.1 Valoración de solicitudes

No caso de que o número de solicitudes admitidas sexa menor que o de Hortos libres, procederanse ao sorteo dos Hortos dispoñibles entre os solicitantes admitidos no procedemento, en caso contrario, será precisa unha valoración previa, para a asignación dos Hortos mediante un procedemento de concorrencia no cal se valorarán aspectos de carácter social, establecendo unha orde de asignación e creando unha listaxe de reserva.

#### Criterios de valoración Pessoas físicas

- Ser desempregado/a e demostraloo coa presentación dunha vida laboral actualizada e Certificado da Oficina do Servizo Público de Emprego correspondente, na que acredite a condición de desempregado e o período de inscrición. (Máximo 4 puntos):
  - Desempregado/a de longa duración + de 24 meses (incluído) (4 puntos).
  - Desempregado/a longa duración entre 12 (incluído) e 24 meses (3 puntos).
  - Desempregado/a duración inferior a 12 meses (2 puntos).
- Ter unha renda per cápita anual que non supere ao 100% do IPREM, acreditando esta situación cunha fotocopia da Declaración da Renda do ano 2021 de todos os membros da unidade familiar. (Máximo 2 puntos):
  - a) Renda per cápita anual inferior ao 75% do IPREM (2 puntos).
  - b) Renda per cápita anual entre o 75% e o 100% (incluído) do IPREM (1 punto).
- Ser familia numerosa, condición que se acreditará mediante fotocopia do libro de familia, e a documentación complementaria necesaria en caso de supostos especiais. (Máximo 2 puntos):
  - Familias con máis de 3 descendentes (2 puntos).
  - Familias con 3 descendentes (1 punto).
- Xubilado/a, acreditando dita condición mediante a presentación do correspondente certificado.
  - (1 punto)

#### Criterios de valoración Asociacións - Colectivos

- Ser representante dunha asociación sen ánimo de lucro que actúe no campo de persoas con discapacidade, en risco de exclusión social, con colectivos vinculados ao medio ambiente e que solicite ese Horto para o colectivo da Asociación. O outorgamento de Hortos, para as asociacións vinculadas a persoas con dificultades de mobilidade, estará limitado ao número de Hortos adaptados existentes. (5 puntos).
- Ser representante de Centros educativos (Director ou representante legal) ou representante de Asociacións de Nais e Pais (Presidente ou representante legal) de centros educativos. (4 puntos).

No caso de solicitudes como representante de Asociación ou colectivo:

Os solicitantes deberán acreditar a súa función dentro dos devanditos colectivos e aportar acreditación como representante da asociación, entidade ou centro escolar; así como as escrituras da asociación e a Inscripción no Rexistro de Asociacións correspondente.

Ó ser limitados os espazos existentes, no caso de empate na puntuación realizarase un desempate nun sorteio público que se anunciará cunha antelación mínima de 3 días hábiles, mediante a publicación da data, hora e lugar do mesmo no taboleiro de anuncios da Deputación de Lugo e na web da Deputación de Lugo.

### **8.2 Listaxe provisional e definitiva**

A Mesa é a encargada de examinar o cumprimento dos requisitos e circunstancias de cada unha das solicitudes admitidas no procedemento e de proceder a súa valoración. Dita valoración publicarase no taboleiro de anuncios da Deputación de Lugo, e de ser o caso, incluirá a relación valorada da listaxe de reservas das solicitudes que non acadaron Horto.

No caso de empates na puntuación, o desempate realizarase mediante un sorteio ao chou.

As listaxes publicaranse no taboleiro de anuncios da Deputación de Lugo e na web da Deputación de Lugo, estando exposta para a súa consulta durante 10 días naturais, prazo durante o cal os interesados poderán presentar as alegacións que consideren.

No caso de non recibir alegacións, ás listaxes publicadas pasarán a ser definitivas. En caso de que existan alegacións, a Mesa resolverá sobre o seu contido, facendo pública unha nova listaxe, nos mesmos medios, que será definitiva.

A listaxe de reservas deberá estar numerada por orde de puntuación e terá unha validez de 2 anos dende a súa publicación definitiva.

### **8.3 Sorteo de Hortos**

A asignación individualizada de cada Horto realizarase ao chou, entre os solicitantes admitidos, mediante un sorteio público, correspondendo un Horto por cada solicitante e por unidade familiar.

O sorteo terá lugar o luns 16 de xaneiro de 2023, as 10:00 horas.

O sorteo realizarase nas dependencias da Deputación Provincial de Lugo, sitas na rúa San Marcos, 8 (Lugo).

### **8.4 Proposta de outorgamento**

Unha vez publicada a listaxe definitiva de admitidos e de reserva, e unha vez efectuado o sorteo público, a Mesa fará unha proposta de outorgamento ao órgano competente para outorgar as autorizacións no que se indique individualmente o Horto asignado a cada interesado. Dita proposta non creará dereito ningún a favor do solicitante proposto.

O órgano competente poderá, sempre antes de proceder á autorización, renunciar ao seu outorgamento por razóns de interese público debidamente xustificadas no expediente, ou desistir do procedemento en caso de producirse unha infracción non emendable das normas de preparación ou das reguladoras do presente procedemento.

Cando o órgano competente non resolva segundo a proposta formulada pola Mesa deberá motivar a súa decisión.

O outorgamento da presente autorización de uso notificarase aos candidatos procedendo a asinar o documento administrativo de autorización de uso do dominio público que os autorizará ao uso da parcela asignada nos Hortos Urbanos do Parque do río Rato, durante o período de 2 anos.

### **9. Xurisdición competente e interposición de recursos**

As diferenzas que poidan xurdir entre a Deputación de Lugo e o adquirente en canto á interpretación, modificación, resolución e efectos destas cláusulas serán resoltas polo respectivo órgano provincial poñendo os seus acordos fin á vía administrativa. Todos os litixios, preitos ou cuestiós xudiciais que deriven desta autorización de uso someteranse aos Tribunais competentes con xurisdición en Lugo.

Contra as resolucións que poñan fin a vía administrativa, poderá interpoñerse polos interesados recurso de reposición, ante o Presidente da Excma. Deputación Provincial de Lugo, no prazo dun mes ou recurso contencioso-administrativo ante o Xulgado Contencioso - Administrativo de Lugo, no prazo de dous meses, ou a interposición de calquera outro recurso que se considere procedente.

### **10. Outras consideracións**

Os solicitantes, coa presentación da solicitude de participación neste procedemento, comprométese ao cumprimento do *Regulamento das Hortas Urbanas Ecolóxicas da Excma. Deputación Provincial de Lugo*, ao mantenemento da orde, estado e convivencia nos Hortos e ao mantenimento en boas condicións dos materiais e instalacións necesarias para o funcionamento e cultivo dos mesmos.

En Lugo, 20 de setembro de 2022.- O PRESIDENTE, P. D. Decreto de data 26-07-2019, O DEPUTADO DELEGADO DE PROMOCIÓN ECONÓMICA E SOCIAL, Pablo Rivera Capón.- O SECRETARIO XERAL, José Antonio Mourelle Cillero.



DEPUTACIÓN DE LUGO

## ANEXO I

## SOLICITUDE DE PARTICIPACIÓN NO PROCEDIMENTO DE CONCESIÓN DAS AUTORIZACIÓN DAS DE USO DOS HORTOS URBANOS DO PARQUE DO RÍO RATO (4ª FASE)

DATOS SOLICITANTE	
NOME: <input type="text"/>	APELIDOS: <input type="text"/>
DNI/NIF: <input type="text"/>	ENDEREZO: <input type="text"/>
CÓDIGO POSTAL: <input type="text"/>	CONCELLO: <input type="text"/>
TELÉFONO: <input type="text"/>	ENDEREZO ELECTRÓNICO: <input type="text"/>
E NA SÚA REPRESENTACIÓN (DEBERÁ ACREDITARSE DOCUMENTALMENTE)	
NOME: <input type="text"/>	APELIDOS: <input type="text"/>
DNI/NIF: <input type="text"/>	TELÉFONO: <input type="text"/> CARGO/FUNCIÓN: <input type="text"/>
DATOS A EFECTOS DE NOTIFICACIÓN (NO CASO DE SER DISTINTOS DOS ANTERIORES)	
ENDEREZO: <input type="text"/>	CONCELLO: <input type="text"/>
CÓDIGO POSTAL: <input type="text"/>	PROVINCIA: <input type="text"/>
ENDEREZO ELECTRÓNICO: <input type="text"/>	TELÉFONO: <input type="text"/>
NOTIFICACIÓN-Sexoso recibir as notificacións relativas a este procedemento mediante:	<input type="checkbox"/> Notificación Electrónica <input type="checkbox"/> Notificación Correo Postal

ANTE A EXCMA. DEPUTACIÓN DE LUGO COMPARCE E DI QUE:

1. SOLICITA A CONCESIÓN DE UNHA AUTORIZACIÓN DE USO DE UN HORTO URBANO NO PARQUE DO RÍO RATO.
2. CUMPRE OS REQUISITOS EXIXIDOS NAS BASES DO PROCEDIMENTO PARA A CONCESIÓN DE AUTORIZACIÓN DAS DE USO DOS HORTOS URBANOS DO PARQUE DO RÍO RATO (4ª FASE).

APORTANDO XUNTO CON ESTA SOLICITUDE:

1. FOTOCOPIA DO DNI OU DOCUMENTO QUE LEGALMENTE O SUBSTITÚA.
2. DECLARACIÓN RESPONSABLE (ANEXO II) ASINADA.
3. NO CASO DE ASOCIACIONS E COLECTIVOS:
  - A)ACREDITACIÓN DE SER REPRESENTANTE DA ASOCIACIÓN OU COLECTIVO
  - B) ESTATUTOS DA ASOCIACIÓN - COLECTIVO
  - C) INSCRIPCIÓN NO REGISTRO DE ASOCIACIONES (DE SER O CASO)
4. OUTRA DOCUMENTACIÓN:

En , a  de  de 2022.Asdo.:

ILMO. SR. PRESIDENTE DA DEPUTACIÓN PROVINCIAL DE LUGO

**INFORMACIÓN BÁSICA SOBRE A PROTECCIÓN DOS SEUS DATOS:** RESPONSABLE- DEPUTACIÓN DE LUGO FINALIDADE- Xestión dos hortos urbanos, propiedade da Deputación, cedendo o uso aos cidadáns que o solicitan, para o cal teñen que presentar unha solicitude cos seus datos persoais LEXITIMACIÓN- Cumprimento dunha misión realizada en interese público ou no exercicio de poderes públicos conferidos ao responsable do tratamento. DEREITOS- Acceso, rectificación, supresión, oposición, limitación do tratamento e, no seu caso, oposición e portabilidade dos datos. PROCEDENCIA- O propio interesado ou o seu representante legal. Para información adicional relativa á protección dos seus datos, por favor, consulte a seguinte ligazón: [http://deputacionlugo.gal/registo\\_actividades\\_tratamiento/hortos\\_urbaos](http://deputacionlugo.gal/registo_actividades_tratamiento/hortos_urbaos)



DEPUTACIÓN DE LUGO

## ANEXO II. DECLARACIÓN RESPONSABLE

<b>Don/Dona</b>	
Nome: <input type="text"/>	DNI: <input type="text"/>
Enderezo: <input type="text"/>	Tlf.: <input type="text"/>
<b>En representación (de ser o caso) de :</b>	
<input type="text"/>	DNI/NIF: <input type="text"/>

**1. DECLARA RESPONSABLEMENTE QUE :**

A persoa física ou xurídica:

1º Non se atopa incursa nas prohibicións de contratar ás que se refire o artigo 71 da Lei 9/2017, de 8 de novembro de Contratos do Sector Público.

2º Está ao corrente no cumprimento das obrigas tributarias e da Seguridade Social impostas polas disposicións vixentes e non ter débedas coa Excma. Deputación Provincial de Lugo (artigo 13 do Real Decreto 1098/2001, do 12 de outubro, polo que se aproba o Regulamento Xeral da Lei de Contratos das Administracións Públicas).

3º Atópase na situación que fundamenta a concesión da autorización de uso ou na que concorren as circunstancias previstas nas bases reguladoras e na convocatoria.

4º Comprométense a manter o cumprimento das anteriores obrigas durante todo o procedemento de autorización de uso de dominio público, e a comunicar calquera variación nas mesmas, de conformidade co disposto no artigo 69 da Lei 39/2015, de 1 de outubro, do Procedemento Administrativo Común das Administracións Públicas.

<b>2. AUTORIZA a Deputación de Lugo a consultar</b>	No caso de <u>NON</u> autorizar a súa consulta, deberase aportar xunto coa solicitude a documentación acreditativa de que se cumplen os requisitos.
<input type="checkbox"/> SI <input type="checkbox"/> NON	CERTIFICADO DE EMPADROAMENTO
<input type="checkbox"/> SI <input type="checkbox"/> NON	CERTIFICADO DE ESTAR Ó CORRENTE E COAS OBRIGAS TRIBUTARIAS EXPEDIDAS POLA AXENCIA ESTATAL DA ADMINISTRACIÓN TRIBUTARIA
<input type="checkbox"/> SI <input type="checkbox"/> NON	CERTIFICADO DE NON TER DÉBEDAS PENDENTES COA COMUNIDADE AUTÓNOMA GALEGA
<input type="checkbox"/> SI <input type="checkbox"/> NON	CERTIFICADO DE NON TER DÉBEDAS COA DEPUTACIÓN PROVINCIAL DE LUGO
<input type="checkbox"/> SI <input type="checkbox"/> NON	CERTIFICADO DE ESTAR AO CORRENTE DE PAGAMENTO COAS OBRIGAS DA SEGURIDADE SOCIAL

**3. MANIFESTA, en relación co procedemento de concorrencia que (seleccionar):**

- Ten unha renda per cápita anual que non supera o 100% IPREM       Está en situación de desemprego  
 É xubilado/a       É familia numerosa

O solicitante declara responsablemente que dispón da documentación que así o accredita (punto 6.2.6 da Bases), que a porá ao dispor da Administración cando lle sexa requirida e que se compromete a manter o cumprimento das anteriores condicións durante o período de tempo inherente ao procedemento.

A Deputación de Lugo poderá requerir en calquera momento que se presente a documentación que acredite o cumprimento dos mencionados requisitos e o interesado deberá presentala no prazo de 10 días.

En , a  de  de 2021.

Asdo.: